

Broj: 06-03-405-06/35/16
Mostar, 23.11.2016. godine

Na osnovu člana 17., člana 18., člana 19. stav (1) i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“ broj 52/14), člana 200. Zakona o upravnom postupku („Službene novine Federacije BiH“ broj 2/98 i 48/99), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16) i člana 18. stav (1) tačka a) i stav (2) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16), postupajući po Zahtjevu za izdavanje dozvole za rad (licence) za trgovinu na veliko naftnim derivatima osim LPG-om broj 06-03-405/35/16 od 29.03.2016. godine, podnosioca zahtjeva „G-TANK“ d.o.o. Vitez, PC 96, Vitez, Regulatorna komisija za energiju u Federaciji Bosne i Hercegovine – FERK je 23.11.2016. godine na XXII redovnoj sjednici donijela sljedeće

RJEŠENJE

1. Odbija se Zahtjev za izdavanje dozvole za rad (licence) za trgovinu na veliko naftnim derivatima osim LPG-om podnosioca „G-TANK“ d.o.o. Vitez broj 06-03-405/35/16 od 29.03.2016. godine.
2. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 29.03.2016. godine FERK je pod brojem 06-03-405/35/16 primio preko Federalnog ministarstva energije, rudarstva i industrije Zahtjev za izdavanje dozvole za rad (licence) za trgovinu na veliko naftnim derivatima osim LPG-om podnosioca „G-TANK“ d.o.o. Vitez. Kako je predmetni zahtjev primljen u Federalno ministarstvo energije, rudarstva i industrije 31.07.2015. godine, FERK je imajući u vidu protek vremena od datuma primanja navedenog zahtjeva u Federalno ministarstvo energije, rudarstva i industrije do njegovog primanja u FERK 29.03.2016. godine, uputio podnosiocu zahtjeva 20.04.2016. godine Obavještenje broj 06-03-405-01/35/16 u kojem je od podnosioca zahtjeva tražio da se izjasni da li ostaje kod svog zahtjeva, te ukoliko ostaje, uputio ga na odredbe člana 9. stav (3) i stav (6), člana 12. stav (1), člana 19. i člana 21. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Naime, članom 9. stav (3) navedenog pravilnika propisano je da popunjen obrazac zahtjeva za izdavanje dozvole za rad (licence) sa potpunom pratećom dokumentacijom treba biti ovjeren i potpisan od podnosioca, odnosno njegovog zakonskog zastupnika ili ovlaštenog punomoćnika, dok je stavom (6) istog člana propisano da se prateća dokumentacija prilaže u originalu ili ovjerenj kopiji, s tim da ne smije biti starija od 60 dana. Članom 12. stav (1) Pravilnika o izdavanju dozvola za rad (licenci) za obavljanje

Regulatorna komisija za energiju u Federaciji Bosne i Hercegovine – FERK

Blajburskih žrtava 33, 88000 Mostar

Tel. /036/ 44 99 00, /036/ 44 99 01; Fax: /036/ 333-507, /036/ 333-508

kontakt@ferk.ba www.ferk.ba

1

Id.br.: 4227378050005 ; Transakcijski račun [KM]: 5550000013715624;

devizni račun: 5550000013716303, kod NOVA BANKA A.D. FILIJALA MOSTAR

energetskih djelatnosti iz sektora naftne privrede propisano je da je zahtjev potpun kada su uz zahtjev podneseni svi traženi dokumenti i uplaćena jednokratna naknada za obradu zahtjeva, dok su članom 19. navedenog pravilnika taksativno navedeni potrebni dokumenti koji se obavezno prilažu uz zahtjeve za izdavanje dozvola za rad (licenci) za obavljanje energetske djelatnosti, a članom 21. istog pravilnika propisani i dodatni dokumenti koji se obavezno prilažu uz zahtjev za izdavanje dozvole za rad (licence) za trgovinu na veliko naftnim derivatima osim LPG-om. FERK je podnosiocu zahtjeva odredio rok od 15 dana radi dostave Zahtjeva za izdavanje dozvole za rad (licence) za trgovinu na veliko naftnim derivatima osim LPG-om i dokumentacije u smislu navedenog obavještenja.

Postupajući po obavještenju, podnosilac zahtjeva je dostavio dopis primljen u FERK 28.06.2016. godine pod brojem 06-03-405-02/35/16, uz koji je dostavio dio tražene dokumentacije. Prilikom pregleda primljenog zahtjeva utvrđeno je da je Zahtjev za izdavanje dozvole za rad (licence) za trgovinu na veliko naftnim derivatima osim LPG-om potrebno dopuniti u skladu sa odredbama Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, te je FERK u cilju upotpunjavanja zahtjeva 08.07.2016. godine pod brojem 06-03-405-03/35/16 podnosiocu uputio Obavještenje o nedostacima podnesenog Zahtjeva za izdavanje dozvole za rad (licence) za trgovinu na veliko naftnim derivatima osim LPG-om. Navedenim obavještenjem o nedostacima podnesenog zahtjeva podnosilac je upućen da zahtjev treba dopuniti sa dokazima propisanim članovima Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede i to kako slijedi: aktualni izvod iz sudskog registra nadležnog suda iz člana 19. tačka a); statut podnosioca zahtjeva iz člana 19. tačka b); obavještenje o razvrstavanju pravnog lica prema djelatnosti nadležne službe za statistiku iz člana 19. tačka c); uvjerenje nadležne porezne uprave, ukoliko je podnosilac zahtjeva obaveznik i uvjerenje o registraciji/upisu u Jedinstveni registar obaveznika indirektnih poreza iz člana 19. tačka d); organizaciona struktura podnosioca zahtjeva (organizaciona šema), zbirni podaci o broju i stručnoj spremi zaposlenika, kao i broju zaposlenika sa položenim stručnim ispitom, koji su osposobljeni za rad na poslovima iz sektora naftne privrede iz člana 19. tačka f); dokaz da podnosilac zahtjeva ima pravni osnov za korištenje objekata, postrojenja, uređaja, opreme i/ili transportnih jedinica za obavljanje energetske djelatnosti za koju podnosi zahtjev iz člana 19. tačka g); bilans stanja i bilans uspjeha za prethodnu godinu, a za novoosnovano pravno lice početni bilans iz člana 19. tačka h); izjava o svim otvorenim transakcijskim računima podnosioca zahtjeva sa priloženom potvrdom poslovne banke kod koje se nalazi glavni račun o solventnosti tog računa iz člana 19. tačka i); tabelarni pregled prostorija za trgovinu i skladišta, ukoliko istima raspolaže iz člana 21. tačka a); rješenja nadležnih inspeksijskih organa u vezi sa kontrolom kvaliteta naftnih derivata u periodu od 12 mjeseci prije dana podnošenja zahtjeva za izdavanje dozvole za rad (licence) iz člana 21. tačka b). Ovim obavještenjem je podnosiocu zahtjeva u skladu sa članom 10. stav (3) i stav (4) Pravilnika o javnim raspravama i rješavanju zahtjeva, sporova i žalbi, odnosno članom 12. stav (3) i stav (4) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede određen rok od osam dana od dana prijema istog, radi otklanjanja uočenih nedostataka, te je upozoren da u slučaju da ne otkloni nedostatke u datom roku FERK će smatrati da zahtjev nije ni podnesen.

Postupajući po navedenom obavještenju o nedostacima, podnosilac zahtjeva je dostavio dio tražene dokumentacije primljene u FERK 26.07.2016. godine pod brojem 06-

03-405-04/35/16. FERK je u cilju upotpunjavanja zahtjeva 02.09.2016. godine pod brojem 06-03-405-05/35/16 podnosiocu uputio Zahtjev za informacijama. Navedenim zahtjevom podnosilac je upućen da zahtjev treba dopuniti sa dokazima propisanim članovima Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede i to kako slijedi: organizaciona struktura podnosioca zahtjeva (organizaciona šema), zbirni podaci o broju i stručnoj spremi zaposlenika, kao i broju zaposlenika sa položenim stručnim ispitom, koji su osposobljeni za rad na poslovima iz sektora naftne privrede iz člana 19. tačka f); tabelarni pregled prostorija za trgovinu i skladišta, ukoliko istima raspolaže iz člana 21. tačka a). Ovim zahtjevom podnosiocu je u skladu sa članom 13. Pravilnika o javnim raspravama i rješavanju zahtjeva, sporova i žalbi ostavljen rok od osam dana od prijema navedenog zahtjeva za informacijama u FERK dostavi traženu dokumentaciju i obrazloženja.

Podnosilac zahtjeva je FERK-ov Zahtjev za informacijama broj 06-03-405-05/35/16 od 02.09.2016. godine primio 05.09.2016. godine i po istom nije postupio u određenom roku.

Obzirom na navedeno, a kako podnosilac Zahtjeva za izdavanje dozvole za rad (licence) za trgovinu na veliko naftnim derivatima osim LPG-om broj 06-03-405/35/16 od 29.03.2016. godine nije dokazao ispunjavanje kriterija propisanih članom 25. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, u skladu sa članom 200. Zakona o upravnom postupku i članom 18. stav (1) tačka a) Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede odlučeno je kao u dispozitivu ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDsjednice FERK-a
Vladenka Milović